



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1351 usque ad annum 1414

**Fleury, Claude**

**August. Vind. [u.a.], 1768**

**VD18 90118278**

§. 18. Ludovicus Andegaviæ Dux moritur.

---

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

no. Papa id edoctus per Theodoricum Niemium eos iussit ad se reverti, ac nihil metuere. Theodoricus obvios habuit duos Cardinales, & multos Papæ Aulicos jam redeuntes: ac Neapolim delatus cæteros, ut idem mox facerent, adduxit, præterquam Cardinalem Reatinum; qui revenire unquam renuens Neapoli hærebat novis contra Urbanum consiliis occupatus.

Sæcul. XIV.  
A C 1384.

§. XVIII.

*Ludovicus Andegaviæ Dux moritur.*

Cum Carolum de Pace ad pugnam decretoriam adigere nunquam posset Andegaviæ Dux præter opes, copias, de Francia adductas frustra consumpsit; partem suorum parvis cæsam præliis; plurimos morbis oppressos, inter alios Sabaudia Comitem Amadeum anno priore sub diem Paschatis extinctum, militi reliquidisse omnia, ærariumque suum exhaustum dolens: tandem & ipse morbo, ac mœrore absumptus obiit prope Barium 20 Sept. 1384. In titulo Regis Siciliae, ac in Provinciæ comitatu ei Ludovicus suus filius natus major vix septem annos habens successit sub imperio matris suæ Mariæ Britannicæ.

*Valang. p. 298.  
Vita p. 510.  
1322.*

Bb 3

Papæ

Sæcul. XIV.

A. C. 1384.

Rayn. 1384.

Papæ commoratio in urbe Nuceria Regi Carolo haud probabatur, malasque movebat suspiciones: itaque 10 Nov. illum oravit, ut Neapolim rediret. Urbanus reposuit: Reges Papas, non Papæ Reges adire solent: atque si nostram alere amicitiam velis, populum tributis leva! Rex iratus subjecit: Possum imponere plura: hoc regnum armis obtinui: id gubernare Papæ non est: imperet Sacerdotibus! Ab eo tempore nulla Papam inter ac Regem concordia fuit.

## §. XIX.

*Religiosorum privilegia constringuntur.*

Krants me-  
tropol. l. 10.  
c. 21.

Rayn. n. 5.  
Sap. l. 91.  
§. 60.

Reversus tamen Neapolim eodem mense Papa, ut explicaret Clementinam Dudum de sepulturis, ac Regularium privilegia constringeret, ad omnes omnium Ordinum Religiosos scripsit sanctionem, cujus hæc est summa: Vetamus, ne diebus Dominicis festisque in templa vestra paræcos recipiatis ad rem Divinam, vel eos sine permisso Curionis sui ad tribunal sacrum admittatis. Siquis Sacerdoti alieno suas confiteri noxas velit, debet ex præscripto Concilii Lateranensis prius consensum Sacerdotis sui obtinere: alioquin absolvi haud poterit. Ne paræciarum templis debita subtrahatur pietas, in vestris